



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Sacri sacerdotij defensio co[n]tra Lutheru[m]**

**Fisher, John**

**Coloniæ, 1525**

**VD16 F 1240**

XV Similiter & quu[m] in deserto destinarit deus foederis tabernaculum  
esse fabricandum, nec repertus esset ...

**urn:nbn:de:hbz:466:1-30878**

De sacra sacerdotij defensione cōtra Luth. XII

qua re fūsius in axiōate proximo dicturi sumus;

¶ Sed ut ad scripturarū exempla tandem ueniamus. Mo: XIII  
ses quū nimia pressus cura prope sub ipso onere deficeret, nec  
sufficeret ad tanti populi gubernationē, iussit illi deus dicens. Moses consti  
tutu nosti, q̄ senes populi sint ac magistri, Et duces eos ad osti  
um tabernaculi foederis, faciesq; ibi stare tecum, ut descēdam  
& loquar tibi, & auferā de spiritu tuo, tradamq; eis ut susten  
tent tecū onus populi, & non tu solus graueris. Quod & fa  
ctum est. Si ueteris igitur & iam antiquatē synagogæ tātam  
curam gesserit deus, ut ipsius gubernatoribus huiusmodi gra  
tiam contulerit, quāto magis id fieri cōgruit pro ecclesia, quæ  
ex multitudine gentiū collecta est, & Christi sanguine redē  
pta, imo sponsa Christi iam effecta. Proculdubio quum ipsa Christus præ  
nunc in huius mundi deserto peregrinat, necq; pauci pastores fecit ecclesiæ  
huic tantæ plebis gubernationi sufficient, congruū est, ut in  
plures ipsa curarum moles distribuatur, pariterq; dotes grati  
arum iisdem a diuino spiritu cumulatius impertiant, quo pos  
sent id munera fructuosius exercere.

¶ Similiter & quū in deserto destinari deus foederis taber  
naculum esse fabricandum, nec repertus esset quisq; peritus  
artifex, qui norit hoc ipsum fabrefacere, impleuit quendā no  
mine Beseleel filium Huri spiritu dei, eundemq; locupletauit  
sapientia, intelligentia, & scientia, quo possit in quouis opere  
excogitare, quicquid fabrefieri debuit ex auro, argento, ære,  
marmore, gemmis, & diuersitate lignorum, cui & socium de  
dit Oolial filium Achisamech ut Exodi. 31. scribit. Hoc pro  
tabernaculo foederis iam abolito fecit deus, & pro C H R I  
S T I corporis mystici tabernaculo, quod iam indies ædifica  
tur nullos magistros tanti operis curabit constituere, necq; cō  
stitutos necessarijs gratiæ dotibus exornare studebit? Alio  
num utiq; foret istud a beneficentia dei, qui quum aliquid o  
peris meditatur, nunquam deficit in medijs, quæ pro fine o  
peris consequendo necessaria sunt.

AXIOMA QVARTVM.

